

TE PUNANGA TIAKI

AKAKITEANGA I TE PATIREIA O IEHOVA

**EAA TE
PATIREIA
O TE ATUA?**



PAPAANGA TUMU MANAKO

- 3 “Kia Tae Toou Basileia”—E Pure Matauia na te Katoatoa
- 4 Eaa Tatou ka Anoano ei i te Patireia o te Atua?
- 6 Koai te Ariki o te Patireia o te Atua?
- 8 Aea te Patireia o te Atua e Tutara ai te Enuā?
- 11 Eaa ta te Patireia o te Atua ka Akatupu?
- 14 E Turu i te Patireia o te Atua i Teianeī?
- 16 Te Patireia o te Atua—Eaa te Reira?

TE PUNANGA TIAKI
AKAKITEANGA I TE PATIREIA O IHOVA

Vol. 141, No. 6 2020
RAROTONGAN (ISSN 1170-3288)
Itiu Okotai i Neneiia: 93,281,000 I te 369 REO

TEIA MAKATINI, *Te Punanga Tiaki*, te akangateitei ra i te Atua ko Iehova, te Tutara Ngateitei tiki i te ao katoa e pini ua ake. Te akapumaana nei i te tangata ki te tuatua meitaki e kare e roa atu, na te Patireia o te Atua i te rangi e takore i te au kino ravarai e na te reira e akariro i te enua ei parataito. Te akamaroiroi nei te reira i te akarongo i roto ia Iesu Mesia, tei mate kia rauka ia tatou te ora mutukore, e te tutara nei aia i teianeī ei Ariki no te Patireia o te Atua. Mei te mataiti 1879 teia makatini te nenei uaia anga e kare e turu ana i te angaanga poritiki. Te aru ra te reira i te aratakianga a te Pipiria.

The Watchtower (ISSN 2652-7146)
May/June 2020 is published by
Watchtower Bible and Tract Society
of Australia, 12-14 Zouch Road,
Denham Court, NSW 2565.
© 2020 Watch Tower Bible
and Tract Society of Pennsylvania.
Printed in Japan.

No te KUKI AIRANI:
Jehovah's Witnesses
PO Box 22
Avarua, Rarotonga

No AUTIRERIA:
Jehovah's Witnesses
PO Box 280
Ingleburn, NSW 1890

No te au atereti katoatoa, akara i te
www.jw.org/rar/tata-me-kore-ringi.



Ka āriki ainei koe i tetai
akakiteanga maata atu
me kore i tetai apii Pipiria
oronga ua i te kainga?

Aere ki te www.jw.org,

me kore e tuku i taau
patinga ki tetai o te ngai
noo anga i runga akenei.

Kare teia makatini e oko. I orongaia mai ei tuanga no tetai angaanga apii Pipiria i te ao katoa, turuia e te tauturu oronga ua. Me oronga i te tauturu, aere ki te donate.jw.org. Me kare i akakiteia atu, no roto mai te au taikuanga Tuatua Tapu i *Te Bibilia Tapu Ra*, urianga 1888. Me kua tataia te *NW* i muri ake i tetai taikuanga, te akaari maira te reira e no roto mai ia i te urianga reo Papaa o te *New World Translation of the Holy Scriptures*.



“Kia Tae Toou Basileia”

E PURE MATAUIA
NA TE KATOATOA

E pure ana ainei koe kia tae mai te Patireia o te Atua? Roa te tuatau i teiane, to te tangata pure anga “Kia tae toou basileia.” Eaa ratou i pera ei? No te mea akakite a Iesu ki tana pipi kia pure no te Patireia o te Atua.

Te akamata anga, kare ta Iesu pipi i mārama ana i te au mea tana i akakite no te Patireia. Kua ui ratou: “E te Atu, ei teiane aina koe e akaoki mai ei i te au kia Iseraela?” Poitirere ratou kare a Iesu i oronga mai ana i te pauanga. (Angaanga 1:6, 7) Ko te aiteanga ainei kare tatou i kite eaa te Patireia o te Atua e aea te reira e tae mai ei? Kare!

Ka tauturu *Te Punanga Tiaki* ia koe kia kite i te pauanga ki teia au uianga:

Eaa tatou ka anoano ei i te Patireia o te Atua?

Koai te Ariki o te Patireia o te Atua?

Aea te Patireia o te Atua e tutara ai te enua?

Eaa ta te Patireia o te Atua ka akatupu?

Eaa tatou ka turu ei i te Patireia o te Atua i teiane?

Eaa te Patireia o te Atua?

Eaa Tatou ka Anoano ei i te Patireia o te Atua?

Mei te akamata anga o te oraanga tangata, okotai rai Tutara, ko Tei Anga ia tatou, tona ingoa ko Iehova. Tutara aia i te tangata ma te aroa. Anga aia i te kainga manea—te aua o Edene—ei ngai noo anga no te tangata. Oronga aia i te kai na ratou. Oronga katoa aia i te angaanga meitaki na ratou. (Genese 1:28, 29; 2:8, 15) Naringa te tangata i akarongo e na te Atua e tutara ia ratou ma te aroa, tupu rai te ‘au.

Akakite te Pipiria e na te angera kino, ko Satani te Tiaporo, i patoi i to te Atua tika anga kia tutara. Akakite aia e ka mataora atu te tangata me kare te Atua e tutara. Ma te mii, kua aru te nga metua mua, a Adamu e Eva ia Satani e kua patoi i te Atua.—Genese 3:1-6; Apokalupo 12:9.

No tei patoi a Adamu e Eva i te Atua ei Tutara no raua, ngere raua i te kainga Parataito e te manakonakoanga no te oraanga mutukore. (Genese 3:17-19) Takino katoa te reira i te oraanga o ta raua tamariki. Karanga te Pipiria e kua ara a Adamu, i “o mai ei te kino i te ao nei, e no te kino oki te mate.” (Roma 5:12) No te ara i tupu ei tetai akaou kino: “Tutara ra tetai tangata ki rungao i tetai, ei mate nona uaorai.” (Koheleta 8:9) Me tutara te tangata iaia uaorai, tupu mai te manamana.

TU MAI TA TE TANGATA TUTARA

Ko Nimeroda te tutara mua tei taikuia e te Pipiria. Kua patoi aia i ta Iehova tutara. Mei te tuatau ia Nimeroda, kua takinokino te aronga tutara i te tangata. Mei te 3,000 mataiti i topa, tata te Ariki ko Solomona: “E i na, te roi-mata o te aronga i takinga-kinoia ra, kare ra o ratou e akapumaana: e te mana oki tei te pae takinga-kino ra; kare ra o ratou e akapumaana.”—Koheleta 4:1.

Kare e tuke i teia tuatau. I te 2009, akakite te puka a te United Nations e na te tutara kino “e akatupu ana i te kino no te tangata.”


TAE TE TUATAU NO TE TAU!

Te anoano ra teiane ai ao i te tutara e te kavamani meitaki. Kua taputou mai Tei Anga i te reira!

Kua akanoo te Atua i tetai Patireia, e kavamani te ka takore i te tutara a te tangata, “e ka vai rai te reira e tuatau ua atu.” (Daniela 2:44) Ko te Patireia teia ta te tangata e pure ra. (Mataio 6:9, 10) Inara kare ko te Atua anake te ka tutara i teia kavamani. Kua iki aia i tetai tei ora ana ei tangata i te enua nei ei Tutara. Koai tana i iki?



Raro i ta te Atua tutara,
taokotaia te au mea tei
angaia ma te 'au



Patoi te nga tangata
mua i te Atua ei
Tutara no raua



Patoi a Nimeroda
ia Iehova



Puapinga kore
ta te tangata
kavamani no te
akakore i te
manamanata



Koai te Ariki o te Patireia o te Atua?

E maata to te Atua aronga tata
Pipiria tei akataka e koai Tei tau
ei Ariki no te Patireia o te Atua.
Teia Tutara

Ikiia e te Atua. “Akatainu ra au i taku ariki
. . . e naku e oronga i te au etene ei tuanga
naau, e te au enua openga ei apinga naau.”
—Salamo 2:6, 8.

E Tama na te Ariki ko Davida. “Anau mai oki
tetai tama na tatou, kua orongaia mai tetai
tamaroa na tatou . . . Kare e mutu te tupu
anga o tona ra basileia, e tona au, e noo aia
ki runga i te terono o Davida, e ki runga i
tona ra basileia, ei akatinamou” i te reira.
—Isaia 9:5, 6.

Anauia i Betelehema. “E Betelehema . . . e
tae maira aia kiaku nei mei roto mai ia koe ra,
ko te ka riro ei tutara . . . e maata oki aia i
reira e tae rava atu ki te au openga mai o te
enua ra.”—Mika 5:2, 4.

Akavaavaaia e te tangata e kua tamateia. “I
akavaavaaia aia, e kare aia i manako meitaki-
ia e tatou nei. . . Kua koia ra aia no ta tatou
au ara ra, kua akaparuparuia aia no to tatou
au kino.”—Isaia 53:3, 5.

Akatuia mei te mate e kua akakakaia. “Kare
oki koe e vaoo i toku vaerua i ade; kare oki
koe e tuku i to Mea Tapu ra kia kite i te pe.
. . . tei to rima katau te pereperekavana e tua-
tau ua atu.”—Salamo 16:10, 11.



Iesu Karaiti Tei Tau Meitaki

Ko Iesu Karaiti anake tei tau meitaki
ei Tutara meitaki. Akakite te angera
kia Maria, to Iesu metua vaine: “Na
te Atua e oronga mai i te terono o
tona metua o Davida nona . . . kare
rava ia e kore tona basileia.”—Luka
1:31-33.

Kare a Iesu i tutara ana i te enua nei.
Mari ra, ka tutara aia i te tangata
mei te rangi ei Ariki no te Patireia o
te Atua. Eaa aia i tau ei ei Tutara?
Akamanako ana i ta Iesu i rave i te
enua nei.



- **Akono a Iesu i te tangata.** Tauturu a Iesu i te tane, te vaine, te tamariki e te ruaine, noatu noea mai ratou. (Mataio 9:36; Mareko 10:16) Pati anga te tangata repera: “Kia tika ia koe, e mā au ia koe,” akaaroa a Iesu iaia e kua akaora iaia.—Mareko 1:40-42.
- **Apīi a Iesu akapeea me akamareka i te Atua.** Karanga aia: “Kare e tika kia akono atu i te Atua e te Mamona.” Karanga aia, ko tei anoano ra ia etai ke ra e na reira katoa tatou ia ratou—e Ture Auro teia. Akaari mai aia e te inangaro ra te Atua i te kite i ta tatou e rave ra e e manako ra. Ei akamareka i te Atua, e akatere tatou i te au anoano o te ngakau. (Mataio 5:28; 6:24; 7:12) Akakite a Iesu, e mataora ai tatou, e apīi i ta te Atua e anoano maira e e rave atu.—Luka 11:28.

- **Apīi a Iesu kia aroa i tetai ke.** Akakeuia te aronga tei akarongo e tei aru i ta Iesu tua-tua e te angaanga meitaki. “Va ua te tangata i tana tuatua. I apīi oki aia ia ratou ma te mana.” (Mataio 7:28, 29) Apīi aia: “E aroa atu i to kotou aronga enemi.” Pure katoa aia no te aronga tei tamate iaia: “E taku Metua, e akakore mai koe i ta ratou ara, kare oki ratou i kite i ta ratou i rave nei.”—Mataio 5:44; Luka 23:34.

Tau meitaki a Iesu ei Tutara no te ao katoa. Inara aea aia e tutara ai?

Aea te Patireia o te Atua e Tutara ai te Enuā?

Inangaro te pipi tiratiratu a Iesu i te kite aea te Patireia o te Atua e tutara ai? Pau a Iesu, kare ratou e kite aea tikai te reira e tutara ei i te enua. (Angaanga 1:6, 7) I mua atu ana, akakite aia ki tana pipi, me kite ratou i te au akairo e tupu kapiti ra, “kua vaitata ĩa te basileia o te Atua” e kua tae te tuatau kia tutara.—Luka 21:31.

EAA TE AU AKAIRO TA IESU I TUATUA E KA TUPU?

Karanga a Iesu: “E tu mai tetai enua e tamaki mai ki tetai enua, e tetai basileia e tamaki mai ki tetai basileia. E te ngaruerue maata i te enua i tera ngai i tera ngai, e te onge, e te maki-mate.” (Luka 21:10, 11) Mei te ira mangamanga rima tei akataka i tetai tangata. Pera katoa me tupu kapiti te au akairo “kua vaitata ĩa te basileia o te Atua.” Kua tupu kapiti ainei teia au akairo i teiane ai? Akamanako ana i teia.



1 TAMAKI

I te 1914, tupu tetai tamaki maata. E kapiki ana te aronga tata tuatua enua i te 1914 e ko te tuatau i tau i te turanga o te enua no tei tupu te tamaki mua o te ao. Taangaanga te reira tamaki i te au tangika, te au pairere tuku pomu, te au pupui matini, te gas poitini, e tetai au apinga tamaki ke. Aru mai ko te tamaki rua o te ao, tei akatupu i te au apinga tamaki nukiria. Tamaki ua ana te tangata mei te 1914 mai e kua matemate e mirioni ua atu tangata.



2 NGARUERUE ENUA

I te au mataiti, e 100 ngaruerue enua e tupu ana tei “takino maata,” i te au ngai ke ke, i karanga ai te *Britannica Academic*. Akakite te United States Geological Survey “tei tamanakoia (mei te 1900 mai) ka tupu e 16 ngaruerue enua maata i tetai ua atu taime.” Karangaia e no tei kite vivikiia te reira i maata ai te ngaruerue enua. Noatu eaa te tu, te mate nei rai te tangata no te ngaruerue enua i teiane ai.



3 ONGE

Tupu te onge i teiane ai no te tamaki, te angaanga pikikaa, kino te turanga puapinga, kino te angaanga tanutanu, kino te reva puapinga kore te au parani. Akakite te World Food Programme “2018 Year in Review” e: “I teiane ai, e 821 mirioni tangata e pongi nei—e 124 mirioni e onge nei.” Mei te 3.1 mirioni tamariki tei mate i te au mataiti. I te 2011, e 45 patene tamariki i mate i teiane ai.



4 TOTOA TE MAKI MATE

Akakite te puka World Health Organization e: “I teia 21 anere mataiti tupu te maki mate. Tupu akaou te maki—*cholera*, maki piri e te piva rengarenga—te maki ou—SARS, *flu* totoa, MERS, Ebola e te Zika.” Te mea ou roa atu ko te COVID-19. Noatu te kite taieni e te kite o te taote, kare e rapakau.



5 TUTUIA TE EVANGERIA

Akakite a Iesu i tetai akaou tuanga o te akairo: “E tutu aereia te evangelia o te basileia nei, e kako rava ake te ao katoa nei; ei kite no te pa enua ravarai; ko te openga iora ia i reira ra.” (Mataio 24:14) I te au manamanata kino e tupu ra i teiane ai, e varu mirioni tuma tangata e tutu ra i te Patireia o te Atua ki te 240 enua i te 1,000 tuma reo. Kare teia i tupu ana i mua ana.

EAA TE AITEANGA O TEIA?

Te tupu nei ta Iesu i taiku i teia tuatau. Eaa tatou ka anoano ei kia kite i teia? No te mea karanga a Iesu: “Kia akara kotou i taua au mea nei i te tupu anga, kua vaitata ʻā te basileia o te Atua.”—Luka 21:31.

Tauturu ta Iesu akairo i oronga mai, e te akapapaanga Pipiria, kia mārama e kua akanoo te Atua i tona Patireia i te rangi i te 1914.* Akataoonga aia i tana Tamaiti, ko Iesu

* No tetai akakiteanga no te 1914, akara i te apii 32 o te puka *Oranga Mataora e Tuatau Ua Atu!* neneia e te Au Kite o Iehova.

Karaiti, ei Ariki. (Salamo 2:2, 4, 6-9) Kare e roa, ka tutara te Patireia o te Atua i te enua e ka takore te reira i te au tutara katoatoa e ka akariro i te enua ei parataito ei ngai noo anga no te tangata e tuatau ua atu.

Kare e roa, ka akatupuia ta Iesu pure: “Kia tae toou basileia. Kia akonoia toou anoano i te enua nei, mei tei te ao katoa na.” (Mataio 6:10) Eaa ta te Patireia i rave mei te 1914 mai? Eaa ta tatou ka tapapa atu me tutara teia Patireia i te tangata i te ao katoa.

Kare e roa,
ka akatupu te
Patireia i to te Atua
anoano i te enua

Eaa ta te Patireia o te Atua ka Akatupu?

Apii a Iesu i tana au pipi kia pure, kia tae mai te Patireia. Kua kite aia kare te Atua i anoano ana kia tupu te kino i te enua, e na tana kavamani anake, te Patireia o te Atua e takore i te reira. Eaa ta te Patireia o te Atua ka akatupu?

EAA TA TE PATIREIA O TE ATUA I AKATUPU

I te atikara i mua akenei, kua uiruri tatou no te au akairo ta Iesu i akakite. Akapapu maira te reira e kua tutara te Patireia o te Atua i te rangi, e ko Iesu Karaiti te Ariki.

Akakite te Pipiria me rauka te mana Patireia, ka uri a Iesu ia Satani e tana au temoni mei te rangi. Kua kotingaia ta ratou angaanga i te enua nei, no reira i maata ai te kino i te enua mei te 1914 mai.—Apokalupo 12: 7, 9.

Noatu te maata o te kino, kua rave a Iesu te Ariki o te Patireia o te Atua, i te au mea meitaki no te tangata i teiane ao. Na roto i te angaanga apii Pipiria e raveia nei i teiane ao, e maata te tangata te apii nei e te taangaanga nei i te au kaveinga Pipiria i roto i to ratou oraanga. (Isaia 2:2-4) E mirioni ua atu tei apii kia rauka te manako tau no te angaanga, no te oraanga ngutuare, e no te apinga. Kua apii teia aronga kia akameitaki i to ratou oraanga i teiane e te akapapa ra no te oraanga 'au i raro ake i te Patireia o te Atua.

Takore te Patireia o te Atua i te au kino ravarai. Ka akatupu i te

ORAANGA MEITAKI



‘AU TE TANGATA



EAA TA TE PATIREIA O TE ATUA KA AKATUPU?

Noatu e te tutara nei a Iesu i te rangi, te tutara nei rai te tangata i te enua nei. Inara, kua akaue te Atua ia Iesu: “E ariki oki koe i rotopu i to au enemi ra.” (Salamo 110:2) Kare e roa, ka takore a Iesu i te aronga patoi e ka akapumaana i te aronga inangaro i te akarongo ki te Atua.

A te reira taime, na te Patireia o te Atua e

- **Takore i te au akonoanga pikikaa.** Te au akonoanga tei apii i te pikikaa no te Atua e kua akangata i te oraanga o te tangata. Akatutu maira te Pipiria i te akonoanga pikikaa e e vaine akaturi. Ka poitirere te manganui i tona akapouanga.—Apokalupo 17:15, 16.

- **Takore i te tutara a te tangata.** Ka takore te Patireia o te Atua i te au tutara a te tangata.—Apokalupo 19:15, 17, 18.

- **Tipu keia te aronga kino.** Akapeea te aronga rave kino e tei patoi i te Atua? “Ka tipu keia ra te aronga kino i te enua nei.”—Maseli 2:22.

- **Tapekaia a Satani e te au temoni.** Popania a Satani e tana au temoni kia kore e “pikikaa akaou i te pa enua.”—Apokalupo 20:3, 10.

Eaa te aiteanga o teia no te aronga tei āriki i te Patireia o te Atua?

ANGAANGA MEITAKI



TA TE PATIREIA O TE ATUA KA RAVE NO TE TANGATA

Ei Ariki tutara i te rangi, e maata ta Iesu ka akatupu. Ka tauturu te 144,000 iaia kia tutara, no roto mai i te au kopu tangata ravarai. (Apokalupo 5:9, 10; 14:1, 3) Ka akatupu aia i to te Atua anoano i te enua nei. Eaa ta te Patireia o te Atua ka akatupu no te tangata?

- **Ka kore te maki, te ruaine, e te mate.** “Kare oki to reira e karanga e, Kua maki au,” e “e kore rava te mate.”—Isaia 33:24; Apokalupo 21:4.
- **Noo ‘au ua te tangata.** “E ei au nuingangare to te au tamariki naau ra,” e “noo ra ratou ravarai ki raro ake i tana uaorai vine, e ki raro ake i tana uaorai suke, e kare tetai e akamataku mai.”—Isaia 54:13; Mika 4:4.

MĀ TE MAREVA



- **Angaanga meitaki ta te tangata.** “E rekareka tei ikiiia e au ra, i te angaanga a to ratou uaorai rima. Kare ratou e angaanga puapinga kore ua.”—Isaia 65:22, 23.
- **Mā te mareva.** “Te medebara, e te ngai vaiavare ua, e rekareka ĩa no ratou ra; e rekareka rai te enua ngangaere, e e pua oki mei te tiare.”—Isaia 35:1.
- **Apii i te tangata kia rauka te ora mutu kore.** “Teia oki te ora mutu kore, kia kite ratou ia koe i te Atua mou ra, e ia Iesu i te Mesia, i taau i tonu maira.”—Ioane 17:3.

Ka inangaro te Atua ia koe kia rekareka i teia au akameitakianga. (Isaia 48:18) Na te atikara ka aru mai e akakite atu i taau ka rave i teianeia kia kite koe i teia.

E Turu i te Patireia o te Atua i Teiane!

E akamanako ana e te aere maira te uriiia kino i toou ngai. Akamatakite rapurapu te kavamani e: “E ORO! E KIMI I TE NGAI AKAPUANGA I TEIANEI!” Eaa taau ka rave? Ka oro koe ki te ngai akaruruanga.

Te noo nei tatou ki roto i tetai turanga e ka tupu te “uriiia” kino, kapiki a Iesu i te reira e ko te “mate maata.” (Mataio 24:21) Kare e rauka ia tatou i te kopae i teia. Inara ka rauka ia tatou te rave i tetai angaanga e kitea ai e tatou te akapuanga. Akapeea ra?

I tana Ako i te Maunga, kua akakite a Iesu Karaiti: “E na mua ra kotou i te kimi i te basileia o te Atua, e te tuatua-tika nana ra.” (Mataio 6:33) Akapeea tatou me rave i teia?

E kimi i te Patireia o te Atua na mua. Te aite-anga e ko te Patireia o te Atua te mea puapinga maata kia tatou. (Mataio 6:25, 32, 33) Eaa te tumu i manako akapera tatou? No te mea kare e rauka i te tangata i te akatikatika i to ratou manamanata. Ko te Patireia o te Atua anake te ka rauka i te rave i te reira.

E kimi i tana tuatua tika. E tauta tatou i te taangaanga i ta te Atua au kaveinga tuatua tika. Eaa te tumu? No te mea ka tupu te kino kia tatou, me tuku tatou e na tatou e iki i te mea tika e te tarevake. (Maseli 16:25) I tetai tua, me akono tatou i ta te Atua kaveinga ka mareka aia e ka puapinga katoa tatou.—Isaia 48:17, 18.

E kimi i te Patireia o te Atua e tana tuatua tika na mua. Akamatakite a Iesu e ka akaariu keia tetai pae, ka manako e ka rauka te ora-

Takapini i teiane! ao, e mirioni ua atu te turu ra i te Patireia o te Atua



1 > Akarongo i te nuti meitaki o te Patireia



2 > Akara matatio i te au Tuatua Tapu

anga meitaki na roto i te moni. Tetai pae ka taitaia maata ratou i te kimi ravenga e kare o ratou taime no te kimi i te Patireia o te Atua.—Mataio 6:19-21, 25-32.

Inara, kua taputou a Iesu ki te aronga turu i te Patireia o te Atua, ka orongaia tei ano-anoia kia ratou i teiane e te au akameitaki-anga a te tuatau ki mua.—Mataio 6:33.

Noatu e te kimi ra te pipi a Iesu i te anere mataiti mua i te Patireia o te Atua e tana tuatua tika na mua, kare ratou i kite ana i te openga o te au taitaia e te mamae i to ratou tuatau. Inara kua kite ratou i te akapuanga. Akapeea?

Akono ratou i ta te Atua au kaveinga tuatua tika, kua paruru teia ia ratou mei te au turanga kino tei tupu ki te aronga akono kore i te Atua. Akamaroiroi to ratou akarongo ketaketa e ka akakore te Patireia i to ratou mamae. Kua oronga te Atua i “te mana maata meitaki” kia ratou kia akakoromaki i te kino.—2 Korinetia 4:7-9.

KA KIMI AINEI KOE TE PATIREIA NA MUA?

Kua akarongo te au Kerititiano i te anere mataiti mua, i ta Iesu akauenga kia kimi i te

Patireia na mua. Kua akakite ratou i te nuti meitaki o te Patireia ki to ratou au enua. (Kolosa 1:23) E aronga ainei tetai e rave ra i teia i teiane?

Ae! Kua kite te Au Kite o Iehova e tuatau poto to ratou i mua ake ka takore ei to te Atua Patireia i teia akatereanga kino. No reira te rave maroiroi nei ratou i te akatupu i ta Iesu tuatua: “E tutu aereia te evangelia o te basileia nei, e kako rava ake te ao katoa nei; ei kite no te pa enua ravarai; ko te openga iora ia i reira ra.”—Mataio 24:14.

Akapeea koe me ariu ki teia nuti meitaki? Akamaroiroi nei matou ia koe kia aru i te akaraanga o te iti tangata Berea o te anere mataiti mua i Makedonia. Te akarongo anga ratou i te nuti meitaki o te Patireia mei ia Paulo, kua āriki ratou i te karere “ma te ngakau maora.” E oti kua ‘kimi i te tuatua i tataia ra’ kia akapapu i ta ratou i kite e kua taangaanga i te reira.—Angaanga 17:11, 12.

Ka rauka rai ia koe. Na te kimi anga i te Patireia o te Atua e tana tuatua tika na mua, ka kitea te ngai akapuanga i teiane e te tuatau ki mua.



3 > Kapiti ki te aronga te turu ra i te Patireia



4 > Akaari ki te Atua kua inangaro koe i te tavini iaia

Kia kite i te angaanga a te Au Kite o Iehova, aere ki te *website*, jw.org.

Vaira te akakiteanga e 1,000 tuma reo.

TE PATIREIA O TE ATUA —EAA TE REIRA?

E pure ana te tangata kia tae mai te Patireia o te Atua, i manako ana ainei koe eaa te Patireia o te Atua e eaa ta te reira ka akatupu?

TA TE PIPIRIA E KARANGA RA:

Eaa te Patireia o te Atua?

E kavamani i te rangi, tutaraia e Iesu Karaiti, te Ariki.—Isaia 9:5, 6; Mataio 5:3; Luka 1:31-33.

Eaa ta te Patireia o te Atua ka akatupu?

Ka takore te reira i te akatereanga kino e ka akatupu i te 'au ki te tangata i te enua nei.—Daniela 2:44; Mataio 6:10.

Eaa te aiteanga kia kimi i te Patireia na mua?

Kia turuturu i te Patireia o te Atua e kia irinaki ka taangaanga aia i te reira kia akariro i te enua mei ta te Atua i anoano.—Mataio 6:33; 13:44.



TUKU MAI I TE PUKA

Oraanga Mataora e Tuatau Ua Atu!

No tetahi akakiteanga maata atu no runga i te Patireia o te Atua, akara i te apii 31 o teia puka, neneiia e te Au Kite o Iehova e ka rauka i te kopi mai mei te www.jw.org



Kare e tutaki me kopi i teia makatini e te au makatini taito



Ka rauka te Pipiria i runga i te initaneti i roto i te anere tuma reo

Aere ki te jw.org website, me kore scan i teia code



wp20.2-RA
230321

REO _____

INGOA _____

NGAI NOOANGA _____

Akara i te kapi 2 no te ngai nooanga. Na te akaki anga i teia pepa e te tuku anga i te reira, te akatika nei au kia rekoti te Au Kite o Iehova i te au tuatua te ka anoanoia no runga iaku no taku patiangā, kia tau ki te Privacy Policy i runga i te jw.org.